


香山集



欽定四庫全書



欽定四庫全書



香山集卷九

宋

喻良能

撰

撰

味琳七言律詩

三五留東歸

無邊春意正冲融
十幅歸帆到浙東
照水杏花紅翦翦

弄晴楊柳綠茸茸
風光併入吟毫裏
山邑都歸醉眼中

說與林間子規道
丁寧不必向東風

去去無東歸見梅

老大無堪鬢似銀
虛名猶復玷簪紳
久為碌碌趨朝士
暫作棲棲去國人
行李衝寒歸故里
江梅偷煖報新春
萬鍾于我何加益
三釜新來喜及親

無量春草堂成即事二首

三年留滯江之南
歸來故園寢亦甘
經理草堂唐寶應
耘耔荒徑晉陶潛
寸心自昔似南八
雙鬢只今如謝三
手栽楊柳既合抱
木尚如此人何堪
燕雀桑麻五畝勻
香爐峰下磬湖濱
青衫不礙兩居士

白髮真成六老人

兄弟五人皆二毛
與老母而六也

子美浣花元不惡

淵明栗里總宜貧
作詩飲酒真吾事
回首江湖懶問津

亦好園即事

誰將春色到山家
湖綠平堤草滿沙
細刻真酥水仙蘂
勻搓絳蠟海紅花
芳林得日鶯還轉
香徑無風蝶自斜
聊與後生修故事
未妨詩酒作生涯

亦好園春晚再用前韻

境淨山明別一家
幾多垂柳裊平沙
閒中牽夢一池草

空裏愁人萬點花
細雨朝朝兼暮暮
淡煙整整復斜斜
綠陰青子真堪畫
滿意春風磬水涯

經理西山同二客
二弟姪輩侍太孺
人游觀聯

句

西山仍復踞西臺
叔奇石逕啾崎此日開
虞知竹杖相邀七

八客季直芳樽時酌兩三杯
文仲瀑懸巖腹如飛雨
宗伯石轉

山腰若隱雷文仲敬侍慈顏供一笑
興之陂陀坐隱興悠哉

季直變真友六人
必其新為

春興

日日春泥妨杖藜
一聲何處子規啼
紅將滿地花空委

綠盡前山草正萋
已辦篇章書側理
可無杯學捧柔荑

清明過後芳菲少
桃李清陰欲滿蹊

侍太夫人拜掃先塋
季直弟有詩因次其韻

東郊雲氣曉踈踈
十里相攜霽色初
林幄盡頭聞杜宇

荇絲深處見王餘
提壺相勸仍沽酒
扶杖來觀或荷鋤

不向如臯閒射雉
真成一笑粲潘輿
是日荆婦不同行唯奉板輿爾

次韻伯壽兄中秋翫月

中秋自古月華好，何況浮雲掃碧天。
不比尋常三五夕，須知潑灩十分圓。
畫簷影轉猶宜飲，銀漢輝斜未忍眠。
却憶年時今夜裏，獨將醒眼對嬋娟。

東軒即事

嘯傲東軒得此生，平章物理憶淵明。
晴塘潑潑起萍浪，夏木陰陰求友聲。
聊欲庶幾三不惑，誰能復較四難并。
旋燒蟹眼烹鷹爪，啜罷呼兒課二京。

寄程教授士廓

去年同宴小重陽，香霧霏霏橘半黃。
楚尾吳頭雙妙麗，茱枝菊蕊摠芬芳。
十分滿醕白衣酒，兩袖濃携燕寢香。
回首只今如夢寐，暮雲烟浪正微茫。

重陽遣興

秋高身老少陵悲，不獨雲飛鴈亦飛。
紅葉色深偏照酒，黃花香重欲沾衣。
絕知落帽歡娛好，最柰登山伴侶稀。
強插茱萸修故事，未妨醉眼送斜暉。

亦好園江梅變紅仲文季直二弟有詩因次韻
 蕭蕭亦好耐寒枝天與風流一段奇刻玉不惟工傲雪
 施朱端欲妙凝脂佳人頰頰今終見公子醜顏頰未知
 便好作軒名頰有二難連璧賦清詩

雪中賞橫枝梅花

橫枝梅花最先開影著清淺無纖埃壽陽粧額依然在
 姑射冰肌何處來無數雪花新點綴幾番霜鬢獨徘徊
 想見懷安官道側十里潔白如瓊瑰

懷安道中梅
林綿亘十里

戊子除夕追和陳簡齋除夜一首

世事年來已飽更百年今夕兩分平
 窻間蠟炬偎人煖
 餅裏梅花照眼明
 瓦屋三間聊足喜
 鬢霜千丈總堪驚
 明朝同上西山望
 應有江湖春水生

次韻季直弟春日雪入靈泉

休驚雙鬢二毛加且喜東君發物華
 未向林梢開嫩葉
 先於簷際舞飛花
 鼠鬚正好書春帖
 蟹眼偏宜試露芽
 便欲扁舟訪安道
 不堪山驛水程賒

次韻和夷仲節推陪府公游北山

紅蓮猶得愛青山翠木蒼蘿處處攀
雲水窟中聊假日簿書叢裏暫偷閒
檐帷車乘春同到燈火城門夜未關
我亦林泉曾俯仰只今雙屨又塵寰

題祥符寺靈山閣

一倚危欄已快哉俯看屏障掌中開
江間碧浪循城去天外青山入座來
隔岸幾聲聞鼓角傍林千簇見樓臺
白雲只在孤飛處西望關心首重迴

武夷山

冲佑觀前水紺色昇真洞北山笋攢羣
峯不斷四時翠萬壑長留九月寒
溪上桃花引漁子雲間仙犬逐劉安
平生飽識佳山水直作東南第一看

天申節望闕口號

日永涼生殿閣風需雲宴衍慶流虹
明良叶德千齡遇臣妾傾心萬國同
葵影煖隨羲馭轉榴花高映御袍紅
西踰葱嶺東遼海長屬堯封禹貢中

試院次韻馬駒父見寄

華髮蕭蕭知更稀
回頭五十四年非
花添病眼正臨卷
春滿故園猶未歸
止酒獨醒陶靖節
寄詩相憶謝元暉
若為比得新篇美
西蜀江頭錦一機

試院七夕

過雨秋風灑客裳
長廊廣廈更清涼
不看雲際癡牛女
細讀文中古戰場
病骨未輕聊把酒
時苦臂疼以酒服藥詩情欲
適旋焚香敢辭秉燭
分清夜猶記槐黃
昔日忙

陳知府體仁和予七夕試院詩併以龍涎數十

餅為餉次韻奉酬陳每講會甚盛

八郡經生滿鱣堂
那能斗酒博西涼
晚年刻意玄虛講
蚤歲留心翰墨場
憐我無氈寒坐客
分公燕寢舊清香
相逢一笑寧多得
歸去匆匆有底忙

司戶李巖詹和予廬山詩二十一篇作詩為謝

東野龍鐘誇白首
巖詹矍鑠事清修
胷中似有九雲夢
筆下倒傾三峽流
和我七言清有味
能令三伏凜生秋

當年廬阜賞心處恨不携公九日游
空巖寒氣凜兢兢八戶神清思亦激似應如非聲瀕洞
題馮家洞

已垂未落石峻嶒深於幽俗藏冰室險過文王避雨陵
刮蘚磨崖書淡墨勝游聊復記吾曾

校官廳新栽巖桂

不將官舍等逆旅故把霜根栽繞牆他日花開映秋色
何人手拆惹天香丁寧護取森森碧想像勻排粟粟黃

顧我踈慵百無取未應人錯比甘棠

參議李即中見和次韻奉酬

頃歲題名曲江院及肩曾許亞宮牆
中濶貯雲夢澤

筆下濃薰班馬香省直舊霑衾半白
除書行見紙新黃

和篇如出少陵手誰謂無心賦海棠

再用前韻呈參議李即中

獨冷官曹有底忙經旬不得造門牆
雨添垂柳絲絲碧風攪飛花片片香
顧我摧頽如病顙羨公騰踏勝飛黃

新詩迥出南豐右不是無香似海棠
橘亭一別五回冬寤寐何曾置此翁
二十五聲秋後點八千里外月明中
夫君不寄平安信而我方棲簿領叢
三峽江高天共遠側身西望興何窮

次韻周希稷詠芭蕉

經年不接故人書開戶逢渠了不殊
誰運七輪風裏扇時跳千斛雨中珠
退之有意吟山石摩詰無心作畫圖

為愛青青無俗韻故教移植傍庭隅

次韻葉省幹重九樓上言懷

水落魚龍已退藏小樓蕭爽袂衣涼
山雲雨過無窮態巖桂風來不斷香
已分文章成白豕擬將富貴等黃粱
嵇康潦倒渾無取豈復眉開一點黃

送洪右史赴召三首

胸蟠補衮五色絲筆驅波濤三峽詞
上追班馬真輩行下視燕許如兒嬉
拙工廢繩那足道巧匠縮手今當施

前途着鞭政須急玉堂獨步非公誰
長公前日辭揆塗少公今日被鋒車
路人共指拜內相天子久欲登鴻儒
黃麻端擬似經訓金蓮不獨榮傳呼
如聞書詔正填委北轅疾驅公勿徐
月宿南斗窮何遣爬沙脚手鈍可啗
一生冰清但糠粃兩鬢雪白猶塵埃
達人疑劔未免按夷途薦藪誰當推
公乎行矣斷國論能忘料理忍窮枚

由建寧回三山道中重陽

征鞍初自富沙還亂葉殷紅點碧山
客裏黃花驚皮節鏡中白髮巧催顏
三休磴道惟頰嘆一飯茆簷得暫閒
為想成均新榜帖阿奴才力勝黃間

通判孫宗丞分餉溫柑次馬撫幹詠橘韵作詩

開林詠為謝

珍果分柑不作疎李衡千顆直堪奴
初嘗藪藪泉流齒未摘青青香滿株
可是騷人憐楚樹只應仙種自蓬壺
龍城當日親封殖還有霜苞似此無

園中口占

春鉏野覓疑水鄉湖陰山色仍蒼蒼西風三徑有佳致
朔雪橫枝多暗香長統遊戲自足樂少游羸餘非所望
開林貼石興未已瓜時逼人須趣裝

開交代將至喜而成篇

三年泮水冷無羶贏得蕭蕭雪滿顛晚景不妨供綵戲
他鄉安敢廢詩篇賸將杯酒澆行色速賃雙童擔近編
任是身歸落鴈後鄉心先抵磬湖邊

府學職事置酒九仙以餞予行

玉友金朋三十三携尊相屬向晴嵐含毫共賦黃初句
揮麈仍追正始談再用清煙噴白澤更霏香霧喫黃柑
俊游勝事真堪畫華髮飄蕭只自慚

鉛山

三月春風暖更飄滿山嫩綠正嬌嬈幾聲勸我脫破袴
何處撩人婆餅焦甘旨僅能供素髮涓埃未有荅皇朝
吾廬漸近亦堪喜試把白醪傾綠瓢

中秋終日霧雨予還自都下宿分水嶺夜漏約
 七八刻月出烏飯草薦山之東徘徊窓牖間欣
 然把酒對之因賦長句
 烏飯山邊白玉團瑞光千丈溢清寒斜穿逆旅茆茨室
 正照先生苜蓿盤聊向青天思太白却吟飛鵲憶曹瞞
 今宵不擬逢明月更向尊前仔細看

重陽詠菊

年年自赴重陽約不待陶家詩句催便欲急呼歡伯賞

未知誰遣白衣來紅萸有韻岳連湛素藥無香賜望回
 何事杜陵嗔竹葉却教從此不須開

送伯壽兄之官上虞

平生藝苑筆同耕兄弟須知似友生三載方尋夜雨約
 六旬又作越中行舉杯不學銷魂別側耳惟聽報政聲
 從此西岡數登眺白雲飛處總關情

時迎侍太孺人同行

賢良馬叔度和周內翰送予倅越詩見貽次韻

奉酬

一鳴一息幾千秋風翼端宜汗漫游筆底珠璣誰得似
胃中雲夢復何求談餘正始人加勝詩此黃初語更適
西笑定應參傑直東游聊復伴遨頭

叔度賢良再用游字韻見貽復次韻謝之

夕卽分閫鎮東秋幕下揮毫秦少游一代風流今不泯
百年文物尚堪求交情莫逆人誰似吟事方殷歲又遒
他日約君為伯仲三間瓦屋住東頭

未暇藉次韻馬叔度再用前韻見寄

善奕從來數奕秋勝游今作子長游才多已覺懸河似
詩妙無勞入海求畫月裁雲寧底巧奔泉挾石一何遒
誰知傾蓋成膠漆笑殺如新到白頭

平世自過嚴瀨寄陸守務觀

翰墨場中老伏波揮毫快馬下晴坡三年睿主思獻納
千里疲民賴撫摩瀟灑郡齋方在望飄搖征棹未能過
擬求墨妙輝衡宇應有黃庭換白鵝

齋宿淨明寺小飲易安齋口占

淨明齋宿近初庚西蜀東吳一世英行徑九盤山犖确
 流泉百折王琮琤頻飛兕觥顏俱渥細聽犀談座為傾
 觴詠直多幽興足未應不飲似公榮
 領聖勳 挽縣尉陳元圭
 平生自負氣雄豪落筆文詞湧怒濤蚤歲賢關幾雁塔
 暮年花縣未牛刀凜然風義誰能並偉甚衣冠眾所高
 我欲臨風新執紼忍於繪事看青袍

欽定四庫全書

香山集卷十

宋 喻良能 撰

曾回七言律詩

不從詩題確山梵安寺

確山風物似齊山誰着精藍亂石間僧梵四時看紫翠
 軒窓終日對孱顏暫容借榻松風愜更欲題詩蘚壁慳
 老我還思十年事飛來峰上曉躋攀

鑑湖道中口占

軋軋籃輿鑑水濱
水紋如染草如茵
繁紅零落徐娘老
遠翠低徊西子顰
猶及殘春追勝賞
不妨餘事作詩人
胷中磊砢須澆洗
未厭傷多酒入脣
次韻王龜齡謁大禹祠酌菲飲泉
不到稽山已十年
夢中物色故依然
憶尋絕境經幽寺
曾向東風酌妙泉
書穴雨餘雲撲地
鑑湖春盡水連天
別來喬木高多少
想見嬌鶯自在遷

題東山謝安石故居

江邊瀟灑東山寺
知是曾經謝傅游
一代英姿餘信史
千年陳迹付東流
暮雲初致蒼生恨
遠翠如凝妓女愁
好古嗟予生苦晚
停橈明月滿滄洲

既游東山乘月登舟至曹娥江

虞江波上一帆風
天水澄明夜色空
古體詩成巖影裏
新醅酒酌月明中
呶啞兩漿止還作
欸乃數聲西復東
塵滓此時無一點
恍疑身在水晶宮

題歸宗寺

寺因逸少曾為宅峯自秦皇已得名不獨山南稱最古
故應江左號尤清路趨絳闕山梁險奩隱金輪石鏡明
誰信塵埃倦游容西風還許杖藜行
次陸務觀韻題姚復之秀才造齋
姚子神情處處便牀頭周易杖頭錢逢僧與語閒終日
遣客歸休醉欲眠應覺此生如寄耳何妨一室且蕭然
無心更覓封侯事納復誰能博一編

追和陳子高贈王法曹韻

肯學少陵對馬軍肯同太白謝汪倫聊將文字飲一瓊
不待月影成三人門前車馬鬧遲日陌上綺羅嬌暮春
想見流觴多樂事酒酣人問斗升嗔

喜待制王文歸自夔門

三年遙望瞿唐峽獨立西風首重回一騎翩翩飛詔去
片帆渺渺下江來平生不願侯萬戶今日重欣酒一杯
聞道日邊催覲速不須歸路更徘徊
次韻林參議小雪快晴

着地晶瑩月在沙忍寒聊作短歌誇煖肌未辦裁駝褐
露趾唯應有草鞵細點竹梢添爽灑偶經梅蕊映橫斜
何當既積還消後剝取清冷試葉嘉
大年大雪
山陰境中寒雪飛山川明秀見應稀巖威不貸乘興棹
餘彩併入繡書帷黃竹應歌姬滿曲素花又舞謝莊衣
東郊薪者寒到骨縱有狐裘那忍披

送王共父

西蜀東吳萬里程偶然相值兩浮萍黑頭君已登三館
白髮吾方醉六經夜幌論文燈耿耿春堤把袖草青青
舩艖小別須回棹不用陽關腸斷聽

沿檝舟行出五雲關

畫舫朱簾出曉闕便風飛過幾重灣路經僧舍漁村畔
身在煙霏霧靄間驚浪沸晴輸遠浦亂雲拖粉露崇山
偶因王事從心賞詩語匆匆不暇刪

挽周判院

昔年臚唱下彤墀名壓人頭似牧之風動鱣堂昭武日
化行雉徑敬亭時曾無簪筆朝端用何以修文地下為
我老不堪供執紼獨將雙淚逗瑤卮

次韻林明府何主簿唱酬之什

向來十載願識韓一日下車許追攀美句已出黃初右
清談尚餘正始間煩公筆底瀾翻水洗我胸中磊砢山
更挽何郎入詩社三人俱有綵衣斑

林明府攜所和詩見過次韻奉酬

退之初過玉川家春徑無泥草帶沙幾點飛來溪柳絮
一番開盡海棠花窻間細雨青衫濕袖裏新詩醉墨斜
客散酒闌還掩戶可堪明月滿天涯

西園蕭帥參宴客于蓬萊閣林參議有詩次韻呈府公

久以嘉謀贊邇英暫分東澗慰蒼生閒攜僚吏揮金醖
更遣娉婷吹玉笙霖雨午巖垂欲作孤舟野水未妨橫
匪因袞繡歸黃閣還念知章在四明

次韻王待制劉侍郎倡和

袞衣猶未趣東歸吳會先傳蜀道詩
急峽高江追子美清風明月笑嚴維
花園白帝行春日香藹黃堂坐嘯時
顧我迂踈堪底用強顏薪粟效支離

次韻林致甫參議西園宴集

西園瀟灑似蓬丘容我追隨飛蓋游
一一娉婷供笑語雙雙鷓鴣對沈浮
嵒窈窕如天造洞壑清冷與目謀
欲識清歡兼卜夜東山月色足淹留

讀林公懿誠竹軒集次韻卷首一篇

南渡詩流復數誰為虞作樂只聞夔
細看出脇穿心句想見裁雲畫月時
此集自應傳異域吾生還恨不同期
先唐作者誰堪並奴僕微之輩牧之

次韻林參議七月七日見示新作

曉雨初過溽暑收微雲澹月作新秋
清風政對三休閣絕景還思八詠樓
緱嶺當年乘白鶴銀河此夕渡癡牛
壽觴一舉烘堂樂淨洗胸中萬斛愁

次韻奉酬林明府詠梅

政足廉平詩更佳鐵腸還解賦梅花律傳和靖未多葉
名接水曹今幾家丹粉詎須煩巧妙清新止為寫橫斜

擬攜卷軸江東去乞與詩仙作意誇
時龜齡王
丈在番陽

寓居東青城北端夏室陰陰簟色寒瓜盤那復集蠅蚋

研沼似欲生波瀾竒竒怪怪石幾壑謾謾蒼蒼竹數竿

枕扇衣斑自不惡時文思索媿空餐
時文思索允臻其
極匠院之名蓋取

此諸 裴園小集鄭汝諧同年有詩次韻奉酬

慈恩鴈塔題名處回首端如夢寐中千里遠從當日別

一樽重喜此時同飛騰我久欽公輩潦到君當恕此翁

異日尚期塵史冊事功那敢廢磨礪

再和次韻宇文舍人見貽之作

不見褚公今二年重來青眼尚依然偃松篇美天猶和

正殿班清人孰先今日赤墀煩暫立他年黃閣徑須遷

白頭賓客無聊甚只待吹噓送上天

香山集

張使君生辰

綠茸紅糝細團枝
天上麒麟瑞此時
風度冕旒嘗見問
威名草木自應知
當年玉燕生燕國
他日金貂侍漢墀
再拜祝公何所似
勝游長與赤松期

讀初寮集呈王宗丞

初寮文律冠中京
晚歲深嚴三折肱
清處月中仍聚雪
高時風裏政搏鵬
家聲不墜推王粲
句法能傳有杜陵
剡作詩文追漢魏
非公誰不闕溪藤

記六月二十日湖上所見

羽客相携六一泉
炎歊立變曉涼天
陳朝古檜參天瘦
和靖孤墳傍竹徧
却向蘇堤剡新艾
更尋蕭寺聽寒蟬
長吟小醉歸來晚
足底清風似欲仙

中竺憇冷泉亭塗中記所歷

聯輿緩步踏葱蒼
十里荷香雜稻香
庚暑此時無一點
秋風明月灑長廊
林間巖洞侵衣潤
水際亭臺徹骨涼

何處山泉落簷溜恍疑飛雨曉浪浪
次韻范伯廉機宜病起見寄

夫君自是穎囊錐何事翻為滄海遺造化小兒聊戲劇
山林大藥豈無資得閒因病還應樂信手揮毫却有詩
休歎銀盃成羽化會須拔劍撥年衰

朱詩序引有盡貨酒器以辨行計語

中秋示仲文弟

近指揮中秋依重陽例作假一日

古來佳節是中秋今比重陽許燕游已覺冰輪無限好
不須玉斧更重修三飛驚鵲紛無定一點閒雲淨不留

况有阿連同綵戲何妨呼酒互相酬

次韻王宮教見貽之件

家住濤江東復東渺然雲浪接晴空半生仕路崎嶇裏
十畝家山香靄中來往未成三徑樂笑談還喜一樽同
強將俚語賡妍倡曹鄴端慚齒衛風

長至憶天衣舊遊寄王狀元

去年連轡到朝陽紅日初添一線長八俊偶同人已羨
四難俱得計真良澆腸竹葉驚深碧挿鬢梅花吃淺黃

是日廻時馬
上簪攏梅

回首只今深似夢雲山煙水正相望

次韻奉酬黃泰之狀元見寄

千佛經中第一人明光前殿奏雄文論心詎止稱三益
識面端能勝百聞疇昔清談如扣玉只今佳句欲凌雲
高情已出蘇州右未用清香掃地焚

挽吳春卿舍人

出處平生似昔賢高風勁節凜朝端回天議論心無歎
腕腕文章世所難斫鐵叫天蚩獠服調羹滿鉢里間歡

定應直筆書英躅留與千秋後代看

除夕

夜永燈明歲又除依然坐冷乏氍毹平生潦倒如中散
大半交游今左符未辦黃精除白髮漸驚玉水點銀鬚
欲論舊事無人共閒把香醪細細斟

過東亭湖

藍輿詰旦過東亭日出煙銷十里平翠袖舞風菰葉舉
紅粧照水藕花生恨無釣艇浮深碧賴有吟毫賦曉晴

歸對老人誇勝賞從今不數鑑湖清

奉常珍重末僚情許以疎慵筮俊英已辦初筵酬物色
更將餘事到詩盟貪吟不惜揮貂筆忍醉何妨醜兒觥
細踏芳菲過腴潤桃蹊紅雨報新晴

送陳給事帥四川

四海繁華一蜀都君王謀帥意渠渠百城赤子煩摩撫
一代長材獲展舒玉壘倚空充屏翰鐵衣如洗護儲胥

袴鞬帽首郊迎處想見旌麾入境初

禮樂詩書一世英碧油青鬢二難并慣看詞翰流三峽
剩有精神驅五兵暫向坤維聊鎮撫却歸天闕致昇平
明年春水如天日綵鷁乘風向帝京

姜春坊以詩編見貽借題雪堂圖韻作詩為謝
紅顏話別浦邊秋白髮同為帝里留璧水庸庸參末坐
春坊榮榮冠名流功名君且登麟閣出處吾行具釣舟
餉我一編清似玉五言端的繼蕪州

李太著惠示詩卷次韻首篇為謝獻之

辱贈卷容卷軸新懸知蚤歲擅詩聲千林有韻霜風勁
一點無塵霽月清細味班香兼字豔自慚白俗與元輕
欲哦惡語賡妍倡一夜昏花對短檠

史丞相生辰

姓名久已覆金甌一品師臣德業優黼辰尚詢黃髮舊
袞衣難伴赤松遊松筠勁節高三事桃李濃陰徧九州
蕭葉楊門端可繼只今衮衮富公侯

長才蚤立太平基與學曾為帝者師謀叶不資同列斷
規存長許後人隨金魚玉帶今誰似橘綠橙黃景最宜
再拜祝公千萬壽三江細酌入瑤卮

洪右相生辰

鳳將南呂入笳聲即近中秋協氣橫玉燕呈祥生領德
金甌覆字佐昇平望同北斗泰山重操與秋霜烈日爭
昨夜清臺占越分中台星帶老人明

黃閣調元鬢未霜祗應書考似汾陽懇辭閭闔沙堤路

暫樂蓬萊燕寢香茂烈未饒周叔虎英詞寧謝漢班揚
會看繡衮重催起快卷三江入壽觴

次韻和宗郎中秋不飲

暮烟收盡玉盤生是處同欣此夜晴雲斷三山凝紫翠
星稀萬里湛虛明低臨朱箔千尋白高並銀潢一派清
賴有綵衣堪醉舞殘樽深夜更重傾

挽司理奉議樓公

老爛為儒山澤臞半生辛苦就名譽三千白髮身無事

一點青燈夜讀書真率杯盤如洛會崎嶇巖壑似陶廬
欲知老淚揮難盡灑徧霜鬣更濕裾

挽周子及

灑落孤標迥不羣宵羅星宿富多文兩科擢第未為貴
八事籌邊堪策勳鯁亮諫辭端似賈崎嶇宦路僅勝蕢

我新出

雲溪緋空望雲溪溪上雲

天晴宮柳絮茫茫玉階親奉唐虞問綵筆濃薰班馬香
千佛經中名第一鴻文端不數長楊
次韻王侍御題詩史堂

欽定四庫全書

香山集卷十一

七言律詩

次馬撫幹韻贈黃泰之狀元

宋 喻良能 撰

衰然射策向明光紫禁春深日正長風細御爐烟冉冉
天晴宮柳絮茫茫玉階親奉唐虞問綵筆濃薰班馬香
千佛經中名第一鴻文端不數長楊

次韻王侍御題詩史堂

欲識當年泣鬼神詩皆絹掃與蠶辛洗空千古無凡馬
稱到于今有幾人肯與齊梁充後乘只應蘓李是前身
豐碑更著寂佳處傳示宜過一萬春

十月二十三日携家游裴園

笋與趁曉踏銅駝休暇仍逢景色和閒挈壺觴游翠靄
盡呼兒女看滄波茫茫烟渚羣鷗下隐隐情虹短棹過
最是小春奇絕處梅花破萼未全多

謝中書施舍人宴集

紫微高義篤同年邃宇開筵近臘寒綠醴醅濃粘玉琰
紫駝峰美照金盤醺酣上頰生春意文字清談卜夜闌
更辱盤飧餽黃髮顧珍報之琅玕

試諸生直廬書事

長日初隨綵線還陰陰簾幕曲欄干白袍三百近洙泗
青桂兩株如廣寒下筆萬蠶爭食葉為文三泱鴻鷺湍
誰知淹倒真無補不媿無羶媿素餐

安撫大資李參政生辰

十二月十四日

仙李盤根幾百秋我公勲業比伊周推恩已解宏元化
戩惠猶能庇七州不日定為黃閣老佗年應伴赤松游
三江願得渾為酒壽筭年年給獻酬

崧嶽生申占臘前預前和氣作春妍蟠莖結實三千歲
蓮葉成巢幾百年聊向蓬萊開燕寢即紆袞繡畫凌烟

貞觀功臣皆生
畫像凌烟閣

只應便是神仙事方丈瀛洲却未然

次韻宋嗣宗梅花

野外江頭一樹垂正當霜後臘前時清如弘景松臨閣

韻以淵明菊映籬鐵石廣平曾作賦風流水步亦哦詩
却愁折向粧臺下莫遣佳人取次知

洗盡紅粧見玉顏一年相別此時看房陵粉水休爭白
姑射冰肌巧耐寒自愛一枝橫竹外未須千樹繞江干
東風也是相欺得已作和羹一點酸

次韻謝察院田寺丞倡酬之作

兩翁辭采偶同時春草還應夢謝池出月穿天端有意
掀雷抉電豈無期推門不作孤吟苦擊鉢猶嫌得句遲

顧我無才難入社焚香時許誦清詩

平湖

平湖漱漱浸葱蒼畫出風烟十畝強
蜜曲六從霜後歎玉芙蓉向露中
芳新開石洞連松碧低結萸房映菊黃
最愛隄邊秦地柳一回到春一回長

思歸

五載還歸不得歸故園想像每依依
蠶生村落桑黃長麥熟田家稚子肥
谷鳥緩歌金縷曲箜龍渾著老萊衣

一篇未就張衡賦漫向成均詠式微

王母口號

家住蓬萊瀛縹緲間聊同仙子下塵寰
巍巍遙望黃金闕濟濟如臨玉筍班
喜見象星尊北極願將萬壽等南山
年年趁得銜賓月再拜天威咫尺顏

顯謨左司周公元吉將漕湖北一時名流賦詩

餞行予與左司同出于詹事周公之門為同門

同居班列二年為同朝同考類試于貢闈為同

寮三者既同契好彌篤于其行也作長句以送之

微雲疎雨涼新秋
皇皇玉節摻不留
夫君不憚原隰險
聖主坐寬宵旰憂
巴音聊復祖行色
楚水恨不尾仙丹
籍籍預傳新漕輓
汗青未數富民侯

黃泰之即中以潮陽詩見貽次韻一篇奉酬

千里潮陽喜政成
五年重會帝王城
尺書不寄頭俱白
一笑相逢意已傾
輝采共看新列宿
風流猶記古州瀛

詩編總是驚人語
恠得年來太瘦生

贈樓尉

誰識尊前戲綵身
鬚髯如棘質如銀
久為朝士空餐食
又見秋聲滿耳新
元亮祇思三徑樂
子雲何事九衢塵
襟期蘭契如君少
未可匆匆動去輪

挽提宮知成周公

妙齡馳譽滿東吳
落筆驂騑走坦途
四十年来鳴道學
一千人内最羣儒

甲子御舉用經術以書義試者千餘人公為之最

二松不負

經論志三選真成隱遯娛老我與君瑞莫逆遺文時閱
漫長吁

送曾大卿將漕江東

公去何賞負二宜要持玉節瑞明時江畿列郡皆爭睹
臺閣名流總賦詩鵬鷃暫為雲外舉鳳凰終集上林枝
近臣侍從多虛位會見回帆春色隨

悼吳居厚

學問從來著月評慈恩何事欠題名賢哉難老堂雖就

惜也陳情表未成疇昔幾回同把酒于今一涕獨霑纓
張公當日稱操履江漢傷中晝夜傾

由之流溪回午苦熱小憇牧馬寺

長途畏日欲流金聊向招提覓快襟翠苔痕人寂寂涼
生栢影遠深深苦無俗物敗佳思况有寒泉醒客心一
餉清風寄蘄竹又飛征蓋指城陰

九日偕成均同官北山登高二首

輕霞朝日兩微茫沙路駸駸十里強照水有成楓葉赤

倚崖無數菊花黃與酣爭舉凌雲筆醉熟重浮艷海觴
明日蝶愁人亦懶未須歸去苦匆忙

之官括蒼道出涵碧因題四韻以繼賓客劉公
之後塵云

平生性僻耽山水不願加封萬戶侯但得雙魚長到眼
未須萬壑更爭流只今竒絕齊三洞自昔流傳徧九州
記得當年小盤礴坐令炎赫變清秋

再遊東陽

十年不到還重来往事一夢真悠哉尋幽已訪涵碧寺
乘興欲上吳寧臺蒼松怪石雖飽覽黃鈿拒霜猶未開
白雲西來入我念又馭兩腋清風迴

松峭山傍偃松昔嘗過之為賦長句今三十有

六年矣復至其下慨然有感因次韻

入日肩輿度曉峯長松偃蹇倚晴空幾年不見根如鐵
老境重來鬢似蓬獨樹未須誇老杜五楸那復論韓公
青幢翠蓋貌難似想相霏霏烟雨濛

遊下巖過松栢祠傍偃松又賦長句

誰將秋色替雲峯萬為炎歎一洗空
細雨復青池上草
西風頓白鬢邊蓬
聊同吾黨二三子
來訪山中十八公
更擬夜深乘月到
要看香霧共冥濛

州宅

古楛提封接日幾
專城皓首有光輝
全家飽煖君恩重
屬邑豐登公事稀
一簇樓臺居洞府
四時風景對屏幃
多慙郎省無裨補
弓外猶能占翠微

次韻奉酬王給事見貽之什

誰知州宅似精廬
山繞簷楹水繞除
堂靜惠風長細細
樓高烟雨又踈踈
貧如坡老工餐菊
性似邊韶懶書讀
賴有嵩山王給事
作詩貽贈問如何

簽廳落成為賦長句

幕中英俊許誰先
一一花駟擬著著
鞭老我漫誇森畫
戟夫君瑞稱泛紅蓮
鳩工已見成輪奐
載酒何妨醉聖賢
聞道公餘多暇隙
定持椽筆爾雲烟

對廳口號

歡聲喜氣溢黃堂
解慍風清化日長
簪綬盡傾千里日
冕旒遙祝萬年觴
韻敲碧玉檀
藥嫩色聞紅粧
菡萏香
共慶寵恩新
浹洽聖君文母壽無彊

十一月十日同幕府諸公遊郡圃葉撫屬得梅

花一枝馬撫屬有次因次韻

橫枝十月要清詩
南國今年爾許遲
繞夢故山千疊疊
眼看新萼一枝枝
欲知影瘦香微處
未稱天寒日暮時

却憶玉溪當日樹
淺霜深雪總相宜

次韻木蘊之狀元義烏道中一首

奔走塵埃老未休
每思上下兩巖稠

義烏有上稠巖下稠巖 關心

簿領三書考回首
家山兩換秋
搯腹自憐鷓鴣小
江湖誰計鴈鳧留
又遮西日長安去
慚媿平生馬少游

送黃機宜叔愚歸省四明

灑落孤標第一流
笑談傾座氣橫秋
聊參議密東州幕
曾與風流玉局

黃自言及見東坡

聽雨忽驚形夢寐
臨風那肯

更遲留橘堂想像多佳致恨不追參李郭舟聽雨橘

愛山

公子漫誇金谷富先生祇愛玉川貧山中矯矯七君子
堂上皤皤四老人時引壺觴聊自醉肯教鵝鴨惱比隣
深紅淺白兼穠紫看取林園十畝春

彥禮知冬上巳過訪流觴于愛山之曲水

年來曲水競流觴元已夫君訪草堂波撼石鱗杯笋亂
風翻花片笑談香哦松適意清篇富閉戶端愛白日長
更約來年春好處重来相與醉滄浪

次王待制維舟弄水亭韻

萬里浮江更絕湖扁舟東入雪川圖莫言舊菊荒言徑
須信中流待一壺今日詩筒煩遠寄昔年樽酒記相呼
待制昔嘗惠詩云立朝大節人能說月在清天影自孤
樽酒呼恨又不多

三月二十四再到永祜陵

扁舟投曉出重城春浪初肥綠滿汀竹裏幾聲泥滑滑

欽定四庫全書
卷十一
河邊千里草青青人家艾葉驚飛燕水面楊花點翠萍
漸近昭陵佳氣集五霜松柏喜重經

已酉中秋

磬湖秋半溢清波一歲月明今夕多
剽辨新詩娛老境滿傾太白醉冰娥
一天風露寒衣袂舉兒童雜笑歌不
是鉛潭竒絕處未妨丁夜更娑娑

盆池

小鑿方池供醉吟纔添斗水浪偏深
瑩心未數寒泉井明日何須寸碧岑
樹影落時清浸玉魚鱗動處細浮金
年來點檢曾經汲唯有澆花趁日陰

中秋愛山翫月

年年秋半在長安今夕園林且盡歡
一笑團圞人似月十分瀲灩酒生瀾
徧簪丹桂香巾袂盡吸清輝深肺肝
飲罷月斜吟興動揮毫風露一天寒

次韻何茂恭重陽前二日見過

西風籬落興悠然秋影橫江鴈貼天
短髮未成秋帽飲

高吟先贈把茱篇
黃花一笑小重九
青眼相看又四年
欲試烟波釣竿手
南湖同上月明船

磬湖之側累拳石
為山巖谷幽邃有
巫廬台雪

之趣因成短篇

背湖臨檻碧崔嵬
經萬千巖咫尺開
坐覺巫峯天際落
忽驚廬阜眼中來
地偏未害心還遠
潭小何妙水自回
竟日相看雨不厭
老夫真箇似童孩

次韻奉酬叅議林郎中見貽之作

紫宸疇昔幸同朝
去國俄驚數舍遙
輕細難沾時服賜
氤氲正想御香飄
年加賴有斑衣戲
心靜真同挂隱招
龍瑞此時探禹穴
天津何日渡京橋

自題木假山

根餘輪囷蔽馬牛
何年飄泊寄滄洲
幽巖邃壑空漁罾
得百巧千竒雲浪鏤
好喚老泉來作記
肯將居士與同遊
畢宏韋偃丹青妙
畫得天然意緒不

次韻奉酬茂恭送茉莉重臺白蓮

異暑歆然金欲流
縞帟練悅兩宜秋
笑他山谷誇黃鈿
欲學令狐賦白樓
粉筆有心爭試巧
紅粧無面可障羞
明來自足映茆屋
况有詩輕萬戶侯

亦好園海棠秋開紅英滿樹

微雲澹日映寒流
畫出西園一幅秋
白帝幻成紅玉蘂

金風吹綻碧枝頭
睡餘豔豔真妃子
夢罷悒悒一解愁

熟賞細看須著句
為君重賦紫綿揉

後蜀潘炕有美妾解愁其母夢吞海

崇花藥而生頗有國色

次韻張持荷桂花

別駕風流繼竹林
名園幽榭水雲深
勻鋪葉底森森碧
細糝枝頭粟粟金
酒酌香浮杯面蟻
詩成霜灑月中砧
清芬冉冉仍多韻
不比晴窓一穗沉

庚戌中秋病起言懷

病來十日不飲酒
起對中秋良可人
銀漢迢迢清未了
金波漱漱淨無塵
艷歌未暇成三疊
美醞何妨釀十分
記得說年當此景
厭厭夜飲在成均

乙巳中秋芳潤軒翫月飲酒甚適

九月亦好園小集

疎雨蕭蕭岩桂香
西風驅冷作重陽
池塘秋草還爭綠
籬落寒花未肯黃
又是一年新度節
何妨九客共飛觴
園亭低小散蔬迥
不比龍山吟帽狂

雪

密雪乘風逞素肌
穿窻透隙入簾幃
漫空隱隱瓊瑰屑
亂眼紛紛鷗鷺飛
三客新成梁苑賦
六花又舞謝莊衣
回思拜表明光罷
携得香烟滿袖歸

長風永夜攬青冥
曉起寒光亂眼凝
回旋舞空端入畫
飄蕭着水自成冰
松篁被練三千士
岡阜瑤臺十二層
茆舍倍添薪火費
只因為事讀書燈

題淵明祠堂

案此詩以下二首據南宋名賢小集增入

宅邊雖有五柳樹
歸去已荒三徑園
平生胷中羞五斗
偶爾城市羨華軒
盈尊濁酒自可漉
得趣古琴那用絃
欲知耿耿忠憤意
甲子斷自永初年

輦下言懷

馬蹄重踏帝京城七載江湖飽問津白髮有人疑甲子
清齋無日不庚申不才詎敢誣明主厚祿那能羨故人
乞得泮宮閩粵去未妨間處著吾身

欽定四庫全書

香山集卷十二

宋 喻良能

撰

五言排律

桐汭

東汭波吞岸西洞水見沙祠山千古盛州宅四時嘉
前直三峯峻連大洞呀黃南清港曲織女小橋斜野店籬
為戶春山繭作花烏羊雞入饌青巢頗宜茶土人謂
羊橄攬綉錦饒新筍槍旗富嫩芽靈山古佛地丹并列
為首巢

仙家鐵冶名猶壯金牛跡尚窪滯留三載久詩板滿烟霞

試院中秋效諸進士作月湧大江流

團月臨清夜平分一半秋輪侵斜漢迥色湧大江流皎皎驚飛鵲亭亭喘卧牛一川寒練靜十頃素光浮碎彩通表渚餘輝謝庾樓翻思杜陵老岸草泊檣舟

由上饒之貴溪舟中書

日月三秋杪江山萬象殊小舟浮舴艋廣信出闔閩

是日

由登信門登舟草木閑詩律雲烟入畫圖水清沙可數景好句

難摹汀際寒鳴鴈橋端晚噪烏樵村人語靜商櫂夜燈

孤吟水尋宵泊焦灘就曉舖

冷水焦石皆灘名

霧銷分浦淑風

定少帆蒲爰日生蓬背竒峯湧坐隅笑蓉多落帶揚柳

有枯株楓葉紅銷翦蘆花白雪鋪翩翩行兩鷺泛泛一

雙鳧斷岸幾千尺誅茅間一區鷓巖清港急龍瀨碧

濤麤

鷓巖黃龍灘

斷以憑三老那能貴一壺酒墟勞問訊漁

艇費招呼鮮鯽還堪買香膠亦任沽不妨成酌酊聊復

免馳驅内口真蕭鎮錢倉豈舊爐錢倉巖名藂篁驚外裏怪

石覺中剗漸喜三吳近寧辭十里紆三吳廟名波平如馮鏡

卧密似連珠連珠雖名嘯咏知誰和歌眠只自娛市聲喧弋

邑山雨開蓮湖弋陽有蓮湖灘擬傍桃花宿桃花臺有小寺容繡貝葉

鳥棲方艤檝鯨吼又乘桴野菊新收艷官梅未吐鬚貴

溪端爽灑賤子小踟躕王事三旬外舟程六驛逾八月二十

八日離者陽十月二日回至貴溪蓋三十五日舟行凡三百六十里也更判弦月上應得

綵衣趨

為紫懷叔殿院題世綵堂

慶積門闌久祥鍾家世醴乘驄驚創見戲綵覺重逢鮎

羣頻三喜孫曾見八龍年齡開九秩孫子享千鐘夾葉

今榮擢蟬聯舊素封家風追萬石眉壽擬三松畫棟侵

銀漢平池浸碧峯同心木芍藥並帶水芙蓉委曲顏帝

悅騫騰色愈恭愈須陶謝手覓句細形容

題東林寺

江湖大蘭若廬阜一東林砌遠琮琤水門羅翠碧岑烟

雲千古色松檜四時陰岸幘銷塵慮凭欄淨客心殿成
神運力泉出虎跪音溪在思元亮堂荒憶醉吟圖傳三
笑象閣擁五杉森貝葉應難訪經臺已莫尋僧架何代
朽佛影幾時沉晉輦黃埃久殷碑蒼蘚深不妨閒吊古
誰復為沾襟香火惟蓮社傳流直至今

送參議李器之

人間今北海上天謫仙人雄論堪醫國新詩可泣神
搖毫雲落紙揮塵坐生春芸閣登吟慣綾衾入直頻三
千辭故里二載官全閩妙畫裨南閩英名動北辰惠風吹
別思細草碾征輪行矣躋華要聲猷日日新

釋奠禮成上安撫大觀文十四韻

鉅宋中興日全閩極治年保釐須碩德鎮撫賴真賢燕
寢何曾逸儒宮取所先上丁將藏事仲月乃修虔劔
鼎參壘洗犧尊間豆遵低昂袞繡服拜起冕旒前庭燎
明如畫爐薰滃似烟昂風人引領觀禮士填咽闔郡
誰聲沸熙朝盛事僖公甘避路常相敢差肩宜有新詩
播庸

昭美化宣陋儒何幸會典禮獲周旋南紀非工部子美
山文宣王廟南紀收 波瀾西河共風味 中秋宣子淵斐然形頌述深媿采

芹篇

夜宿浮石山崇福寺上方題壁

窈窕尋支徑縈紆度密林岸回溪更駛峯轉塢逾深僧
梵雲邊寺鐘魚竹裏音解安生妙興倚楹淨煩襟永夜
涼飈動初秋爽氣侵巖空寒溜滴壁靜候蟲吟香篆窺
孤宿燈花伴獨斟不諳塵外趣誰識此時心

湖上用王茂材同年韻

木落長空淨秋深爽氣多澹烟浮遠樹晶日泊平蕞小
艇浮深碧孤筇曳慢坡菊花簪雪鬢桑落盪金荷妙興
追潘岳清游軼永和何當命菱角唱我醉時歌

過分水嶺初出建寧界

辛卯踰閩嶠淳熙出建閩彌漫第五渡自崇安至陽家莊有第一至第五

五險絕百重山近夏涼風發新晴麗景還翠烟飛縹緲
好鳥語綿蛮蜜樹青羅幄連峯碧玉環野英紛炯炯巖

溜碎潺潺小艇橫清泚飛橋截碧灣機春流水激架
石崖慳紫笋和泥采青梅帶葉攀未能供百味聊得悅
慈顏取醉三盃遣歆眠一餉閒自憐霜鬢白人羨綵衣
斑物色揮毫裏家山隱几閒狂歌聊爾耳同志儻吾刪
送江克之即中知溫州

巖廓拱神聖岳牧用才良委寄晉藩鎮飛騰漢省郎
纔推非矯激綿蕝豈尋常花粲揮毫玉風生漱齒霜
兒童騎截竹父老侯甘棠五馬晴薰細雙旌曉月涼
清香凝燕寢春草夢池塘乳哺蘓民瘼生薪東吏行
謝樓山色淨孤嶼海天長信美毋多戀遙歸覲建章

送趙達明太社知江州

天上佳公子間少吏師文華紳笏服名字冕旒知
剗決監州日春容粟社時未成持從橐聊復把州麾
京邑期蒙福盜城望寵綏朱轡臨境土竹馬走童兒
去獸同均輩蠲逋繼濟之政成遙入覲獻納日論思

李渤字濬之為九江守奏

於逃逋四千餘員

東宮生辰

寶厯天重啓皇圖日寢昌九重資燕翼萬國仰元良玉
律秋初杪金飈歲正穰前星輝采盛少海慶源長甲觀
祥烟滃春宮協氣翔千秋佳節勝四莢瑞奠芳瓜棗欣
初獻蟠桃慶乍嘗庭羅六佾舞天薦九霞觴銀榜彌生
耀銅扉粲有光謹聲連紫極喜氣溢穹蒼冊錫雕珉煥
旂頒青輅揚衣惟珍散冕音不嗜宮商問寢同周發隆
師過漢莊猷為規禹啟翰墨掩鍾王化被賓簷屬恩沾
左右坊善三今獨冠明兩古難方陸贄言猶采宣尼訓
敢忘本支綿百世羽翼貳巖廓宿忝宮僚舊曾霑允澤
滂願斟滄海酒歲祝壽無彊

留別王狀元二十四韻

才大文章伯忠純社稷臣七州鍾秀異孤嶼賦精神德
蘊圭璋潤育涵海嶽春麟經頻得雋槐市早稱珍宿弊
時方草皇綱上正親大廷清問降空臆謹言陳力補巖
宸衮深櫻睿主麟一元追董相多詐恥平津文擅無雙

價臚傳第一人聲華飛宇宙風采聳簪紳貴紙寧堪數
 回天僅足倫施行均令甲獎諭見絲綸未覆金甌墨聊
 為綠水賓愛民如赤子束吏似生新鑑水書題徧稽山
 賦詠頻却梅清節著見幕府清風不受梅詩誣狗滯冤伸見論魯六傷犬
子劉賤子嗟何幸同年蓋宿因糟糠聊攝局山水獲聯茵
 醇耐容需醉新詩許效贊獨蒙青眼舊端異白頭新酬
 倡幾千首從游殆十旬笑談將契濶肝胆政輪困帝夢
 方思說天民竚起莘不才雖苦窳終願始陶鈞

六言詩

亦好園羣花盛開戲成

小圃初乾曉雨襟花爭試新粧採色似觀濯錦吹香如

過河陽

三歲無諸國裏青春不是花時今日小園春半百般紅

紫芳菲

福唐桃李臘中皆開紫笑茉莉五月始盛

題李通判斷橋圖

平生心地夷坦一旦足跟嶮巖不是籃輿安穩只應神

物護持
橋上笋輿笈笈橋下浪波汙汙但覺往來無惱不知觀者傷神

書趙德莊詞後

老眼看書成霧介菴墨妙金篋波底斜陽紅濕絕勝彩筆新題

訪何茂恭於南湖作三絕句

十里相望烟樹旬月不絕藍輿漱石枕流戲綵浮家泛

宅南湖

南湖綠髮居士恰少磬湖八年掀雷抉電傑句出月穿

天大篇

啼飢妻子眼底厚祿故人日邊一錢不直誰念五十無聞自憐

茂恭見和再用前韻奉酬

朗朗百間羊盼森森千丈長輿一身宜著臺閣半生流落江湖

憶昔永新番水俱吏江左三年不作載以馬援聊為留
犢苗篇

少陵時時醉裏子山日日愁邊白髮新來滿鏡故人萬
一能鄰

磬湖居士得片石于斗坡山其長五尺其廣一

尺有咫聳拔孤秀縝密溫潤絕不類此間石疑

自他來飛來因目之曰飛來石

六丁驅石曰本墮落斗坡坡山中一片蒼珪紫玉幾回

秋雨春風不假鐫鏡刻削自然巧妙嵌空居士置之朝
爽是謂飛來小峯

五言絕句

題齊山翠微亭

山深雲氣多撥雲尋徑入但覺襟袖寒不知濃翠濕

賦竹

冥搜高出月幽思渺裁雲擬遣窮愁去那能無此君

海棠塢

時鳩夕陽媚煖稍春意留詎須吞絳藥方解解人愁

更外西七峰亭獨坐

嶼岫新亭好悠然見七峰凭欄吟不盡春色與秋容

山陰水樂洞

近聽千絲急逗聞一磬清恐傷肺詩腑不作斷腸聲

五曲水

不是山陰畫清流曲更方欲知三面景絕勝九回腸

方池

四角朱弦直雙橋小霓欹寒星夜稀密冷浸一枰碁

弄月亭

掬水弄璉漪清輝碎更隨人間無太白欲捉可憑誰

紫君林

此君佩仍紫直節自來孤欲倩文夫子招邀入畫圖

小山

峯秀因拳石溪清見髮魚

陶隱居注本草云
鮰魚是人髮所化

毫釐辨喬

梓咫尺有匡廬

石洞

此秘昔未覩
斲雲今始開
蒼松臨怪石
宜號小飛來

竹巖

怪石誰雕斲
蒼蘿翠木斜
幽巖畫屏倚
却憶柳州誇

石塘

野色知何處
松邊竹外塘
雨餘紅菡淨
風起白蘋香

飲茶

清風生兩腋
雪乳啜雲團
便擬乘風去
翻嫌縛小官

懷東嘉先生因誦老坡今誰主文字公合把旌

旄作十小詩奉寄

文章無正體
源浚流乃深
能者主宰之
古來非獨今

大雅久不作
淳風日澆漓
挽回既在瀾
此道非公誰

三賦成會稽
四集始東楚
一洗凡馬空
斯文有宗主

對策婉而切
奏疏忠且純
風行水自波
至哉天下文

退之在元和
昌言主文字
揚塵踵芳塵
公乎得無意

作詩必城老
作文必歐公
欲知鳴道心
端與二公同

直道益中朝雄名橫六合吾道其非吾胡為未舟楫
 三讓始循墻一麾嘗屢把夔門德政碑深鏡仍大寫
 不見我公久挫挫動心旌敢以一瓣香為公罄精誠
 蘓公亦有言公合把旌旄庶使湛輦名亦與峴山高
 秋陽千里曬聊復暴書吾自笑年來事昏眸眩魯魚

池邊樹

磔索池邊樹踈花照淺清雖無却月觀且有一枝橫

汲水

山東盈古坎抱壘每相從不敢傷蝌蚪疑能化小龍

賞月

雲盡天容靜水輪故故圓廣寒宮闕裏今夕是何年

弈碁

睡餘無俗役信手一枰閒勝負何須較神情政欲閒

掃室

凝塵晝滿室燕處亦超然掃罷掩闌臥從嘲邊孝先

花木蒙霑潤根堅枝亦驕懸知如舌本端藉酒盃澆

采采黃金藥盈盈白玉觴露蘭何足飲自覺肺肝香

田園依峻嶺幸興每須登却得臺即力扶持借赤藤

歷覽眾峯頂下視飛鳥背一身凌紫霞迥出塵寰外

題徑山一覽亭

題錢清江

亦好園初春次韻

梅開羣玉府柳試鏤金衣過臘山逾瘦迎迎水漸肥

初日直征轡輕寒怯袂衣蟹黃經雨潤鴨綠得春肥

讀書

一飽無餘事平生萬卷書短檠頭雪白端為惜居諸

覽鏡

香山集

西

次定四庫全書

西

平生壯夫志老去未消磨其奈青銅裏蕭蕭雙鬢何

次王狀元晚菊二絕

雖晚亦既好花中無此香誰能識真趣高隱在潯陽

併與杞同賦舊嘗聞雪堂先生澹無欲亦復愛清香

彥禮提宮寄似黃芙蓉詩次韻奉酬二絕

紅粉雖云妙鵝黃亦大奇欲知堪畫處絕勝採江時

幽圃知何處青山東復東芙蓉黃玉蘂還與海榴同

惠山

黃芙蓉錦園黃石榴風味畧相似

亦好園四詠

亦好亭

亦好新亭小登時意緒長清流依檻曲明月逐簷方

磬湖

未用他山錯亭須泗水浮衝風時激即清韻亂鳴球

釣磯

只為貪頰鯉還應愛碧流風來花落餌雲破月沈鉤

菊徑

小徑三秋好西風百本黃但令頻泛酒日日是重陽
黃石榴吾里所未有僕始携自中都植之二年
方著花名潔可愛異於他榴

但見蹙紅巾未聞衣黃裏一試纓金裳世織真西子
細染麴塵英稀著鵝黃藥雖無蠟梅香風味絕相似

磬湖即事

十畝烟波澗平開一畫圖已添無數景喚作小西湖

題亦好亭句集

從士力難任退何其掛懷抱美不及在家貧樂天客在

家貧亦好戎

園中即事二絕

錦園無十畝緩步足登臨弄月波清細愛山花木深

風勁木初落霜輕花更幽晴香山苦馬冷豔水牽牛有花

生曲中中似一牛而小葉生水下水上其餘類鵝
翎箭桿仍長牽尺四五寸無枝余為名之曰水牽牛

愛山堂

棟宇還依石憲扉不碍山丹青寧辨此烟雨飽孱顏

愛山堂

山色有无中
山色有无中
山色有无中
山色有无中
山色有无中
山色有无中
山色有无中
山色有无中
山色有无中
山色有无中

四庫全書

四庫全書
四庫全書
四庫全書
四庫全書
四庫全書
四庫全書
四庫全書
四庫全書
四庫全書
四庫全書

欽定四庫全書

香山集卷十三

宋 喻良能 撰

七言絕句

錦園小春

細雨將春上曉枝
東風吹綠到連漪
長溝繞檻多佳處
小徑穿花無盡時

春雨

晚風吹雨過西疇
惻惻輕寒似早秋
燕乳鳩鳴春又老

可堪芳草喚人愁
春陰不斷怒鳩聲
日日溪雲帶雨行
試挂西窻看齊色
一川煙草畫難成

煙霏初散曉寒收
花氣烘晴草色浮
一片風光吟不盡
青春池上海棠州

戲詠書案上江梅水仙

偷將行雨瑤姬佩
招得凌波仙子魂
幽韻清香兩竒絕
小窻斜月伴黃昏

壽皇泉

水邊豈無清江使
石上自有黃冠仙
更須喚取遼東鶴
便是人間不老泉

次韻楊廷秀郎中遊西湖十絕

湖波萬頃瀉鎔銀
妙句誰能敵李紳
撓影緩隨紅蓼岸
荷香細著白綸巾
蕭蕭竹徑細通幽
小憇明窓瀹茗甌
夏禾陰陰可人處
黃鸝飛上碧枝頭

裴園亭榭水之濱
草樹雲煙滿目橫
盡日對山仍把酒
茲游絕勝若耶行
與世從來最濶疎
年來况復味潛虛
漆園不嗜濠梁樂
人自人兮魚自魚
憶昔孤山和靖家
光風霽月總輸他
幾多水草連煙草
無恨蘋花雜藕花
誰云騎馬似乘舡
控曳中流即水仙
香繡幾屏波底影
煙綃千幅望中天

湖堤樓閣劇峯房
樓上爭看湖上航
萬柄芙蓉清冉冉
臨風新折麝臍香

一時談笑總名流
十里西湖恣意游
歎醉側身窺翡翠
狂歌左手把蝸蟬
袞暑渾如深甌吹
涼颼一餉取先知
憑誰為覓丹青手
畫我談詩剥芡時

湖邊幽勝滿青蓮
到處時時泊畫船
竟日連漪吟不足
欲歸重看水中天

九日無酒

年年把酒對黃花一任西風醉帽斜今日無錢還對菊
不知何處酒堪賒

雪

翦水輕花著地消弱肌無力倚風飄欲知回旋空中舞
恰似楊花靜婉腰

曉行

樹頭鳥語落虛簷清夢驚回睡未歎笑跨紫駟穿綠徑

晴雲涼月正纖纖

道上口占

隴北麥苗初展塊含南梅蕊已含鬚小春似有芳菲意
憑仗何人為寫圖

詠梅

竹外江頭帶雪看花中清絕畫應難玉肌瑩骨冰姿瘦
單著生綃怯暮寒

三月十四日陪同年十有六人游淨慈遂飲於

水月居坐中即事

車馳卒奔風雨過
粉白黛綠春事妍
裙腰政佳酒仍美
那復有路到愁邊

崇桃積李亦不惡
一笑海棠尤可人
徐熙趙昌俱骨朽
翠袖卷綃誰寫真

美酒未盡雙玉斝
更聽提壺鳴不停
斜陽可飲徑須飲
趁得城門打鼓聲

凝香閣

渠渠夏屋翠陰稠
沉水香濃瑞靄浮
媿我無才吟五字
未妨燕寢似蘓州

上巳即事

細雨輕陰修禊天
海棠睡足柳初眠
疑香簾幕東風煖
小醉清吟錦瑟邊

次韻葉宰植竹四絕

檀欒節目瘦長枝
晴既蕭騷雨亦奇
誰道此君惟澹泊
細看頻賞自多姿

蒼煙翠霧兩冥迷
秋雨叢深不作泥
冷葉寒枝須管領
亭亭會見拂雲齊
誰云青士太無情
偏結騷人冷淡盟
不遐廷令分寸碧
故應雙明自增明

墨本曾看煙雨稍
臨窓依砌韻偏高
可憐不入繁華眼
祇稱清談王馬曹

偶成

祠山東畔古桐西
垂柳陰陰映短扉
誰道官居居蕭瑟

香粳甜軟鱖魚肥

至德

至德春山紫翠堆
楚東征吏又重来
是中正好覓佳句
捫腹自憐無此才

齊山

龕巖宜號秘密藏
翠微應呼清淨身
欲憑妙句法佳鏡
安能揮毫我輩人

池陽報恩寺新成輪藏公應出示鮑仲山詩因

贈

招提雄冠浦邊州
寶藏琅函眩電眸
更出故人奇絕句
相看知是贊公流

遊青山當塗王使君命供張甚遠

雨晴青山訪謫仙
公厨分釀割肥鮮
酣歌一曲西風裏
頓失羈愁向酒邊

放姑惡

為憐心折骨仍驚
四十方生博汝生
從此直須防巧中

著身未穩莫先鳴

春日道中絕句

繚繞孤村一迳斜
綠楊深處有人家
翠眉紅頰墻頭出
淡淡清山淺淺霞

次韻何茂宏見寄

牧之俯首隨繯鎖
元亮高情樂里閭
樽酒未能供一美
尺書多謝附雙魚

登寺後峯絕頂

好溪無復怒濤聲
麗縵綠紫青秀色
腴更著華堂臨絕境
風流長與峴山俱

歸然飛閣榜凝霜
雪散冰丸却暑方
治郡風流無處覓

只應棟宇是甘棠

題靈源洞

細數峯峦到石門
緩移屐齒步雲根
一樽濁酒林間坐

古木蒼羅日月昏

鬼鑿神鏡巧更紆
直疑有路到華胥
坐來濃翠沾衣冷

恰似飛來秋意初

昌園賞梅 園一作原

十年不踏淮安路
今日昌原得縱游
千樹撩人詩興動

恰如何遜在揚州

縣齋夜坐

鶯行散盡室如冰
數卷殘書一穗燈
尚有茹葷兼飲酒

不然全似打包僧

余禱雨龍湫翼日響應兒子興之有詩紀實仲
文季直弟亦既同賦老子久不作詩因得絕句

龜齡昔禱五龍廟白雨而雨若有期我無能為此云役

雲螭何事不相違

龜齡王公昔守鄱陽禱雨龍祠不旋踵而應事見五龍廟碑

餘干資福寺巖桂盛開因折一枝戲成絕句

綠玉枝頭金粟團可人風味勝紅蘭一枝携向錦溪去

袖裏誰知有廣寒

雲錦閣

巖花亂落隨春水萬丈輕紅透驛樓不是江流似雲錦
政應雲錦似江流

上清

積雨新晴翠靄浮好風掖我上清遊白頭捧檄真耶爾
那忍深文周杜周

七月晦日間鶯

憶得東風汎惠蘭曉窓紅樹聽綿蛮如何却到深秋節
盡日猶啼修竹間

九月八日次韻沈虞卿一首

白髮蒼顏會帝鄉
微雲澹雨小重陽
一樽相屬非無意
欲攬胷中書傳香

次韻朱昂仲見寄一絕

使君詩酒日娛嬉
燕寢新來一段奇
政是夢熊佳節裏
釋迦抱送寧馨兒

九日鞠嶽茶山廣教院遣興一絕

牧之秋浦峯頭飲
王勃南昌閣上吟
千古勝遊誰復繼

只今重九欠登臨

鵝湖雙松亭

白壁長廊數十間
峩峩佩劍兩蒼官
艷陽滿目皆桃李
晚節如公可歲寒

石扶山

弋陽界中

玲瓏恠石巧相扶
奇絕無人作畫圖
要是飛來嫡孫行
恨君生不近西湖

松源山

征途未盡戈陽西且過松源九節溪煙雨濛濛山色好
鷓鴣更與盡情啼

空陂流水澹冷冷小立春鉏點遠汀煙雨半收山更好
知誰不喚作丹青

仙隱觀費長房故宅舊名靈陽宮觀後有葛陂
蓋竹杖化龍處也

松風百步到靈陽千古風流憶長房竹杖化龍無處覓

空餘陂水繞堤長

題谷簾泉

此水名傳自昔賢味甘誰敢闕芳鮮一甌雪乳初嘗罷
知是人間第一泉

月臺

青林闕處綠陰開十里長風送月來妬雨玩雲都淨盡
素華清影巧裴徊

琵琶亭

金定四庫全書
卷十三
琵琶人去幾經秋
司馬青衫亦故丘
唯有當時亭下水
無情依舊更東流

次韻梅月絕句
青林
玉裙練袂清無塵
一笑喚回幽谷春
天寒日暮故相惱
不怕近前丞相嗔

次槐卿舅詠梅二絕
玉肌冰骨不多枝
半映清池半邊籬
寒雪尚遲新月早
橫斜分影到漣漪

朔風寒月澹孤芳
冰雪相看有暗香
但得橫枝臨却月
不須斗酒博西涼

石鐘山

坡翁文字妙來今
仙去遺蹤杳莫尋
惟有石鍾還好
在
未須霜降自清音

題煮泉亭

甘香曾飲谷簾前
携茗仍來試煮泉
便覺清風生兩腋
始知鴻斲是茶仙

香齋曾允公賦四時詩
香齋曾允公賦四時詩
香齋曾允公賦四時詩

香齋曾允公賦四時詩
香齋曾允公賦四時詩
香齋曾允公賦四時詩

香齋曾允公賦四時詩
香齋曾允公賦四時詩
香齋曾允公賦四時詩

香齋曾允公賦四時詩
香齋曾允公賦四時詩
香齋曾允公賦四時詩

欽定四庫全書

香山集卷十四

宋 喻良能撰

七言絕句

望月臺

灩灩冰輪林上頭
煙銷霧斂桂花浮
要看夜靜天如水
莫遣疎簾不上鉤

題太白祠堂

長安酒樓歌管新一曲
烏棲泣鬼神狂客解龜同一醉

人人知是謫仙人
倒披綺裘草裹巾
酒醒玉山來映人
明月滄江故無恙
騎鯨何處狎龍鱗
潮生采石波濤險
秋入青山草木寒
千古風流無處覓
空吟亭北倚欄干

初到廬山

匡廬山水甲南州
况是曾經靖節游
眼底總堪供賦詠
新詩不礙細雕鏤

溫泉

不與驪山脂水并
獨於廬阜占佳名
我來試作泉間浴
一洗平生病惱輕

題開先寺飛橋次待制王公韻

漱玉亭邊百尺橋
游人平步玉虹腰
憑欄下瞰清淵底
秋水無塵浸碧霄

游柴桑懷淵明二絕

語客歸休醉欲眠
素琴雖蓄本無絃
南窓寄傲北窓卧

買斷清風不用錢
素琴無事本無弦
草莽連雲舊逕荒
人人稱是古柴桑
園蔬籬菊知何處
喬木蕭蕭挂夕陽

題石榴洞

有客持柯石門道
避人避世白雲邊
相逢驚喜還相問
應說經今八百年
溪谷幽深可避秦
桃源風物畫難真
思量却得藍超力
解遣人知洞裏春

當年鷄犬白雲中
屋角榴花帶露濃
洞口只今無處覓
唯餘碧水繞青榕

登清音堂

堂上橫看江上洲
洲邊春浪拍天浮
晴欄倚遍無多景
浩蕩時時沒白鷗

洲以檀槽舊得名
風來草木自成聲
青衫司馬令人恨
只作潯陽送客行
平生秀句誦隨州
今日身親歷勝遊
欲賦江山無好語

強賡歸鳥與孤舟今日良歸想却遊
 只許彥禮提宮以詩見招赴惠山登高之集次韻奉
 酬書昇以風來草木自茂舊青林日
 王勃揮毫滕閣上蘇仙把酒華山顛去秋相與追清賞
 回首匆匆又一年
 西風搖落雁南翔萬里晴空一洗涼幸有從來茱菊約
 敢辭相對引壺觴

當平齋題徐子由菊坡圖

先生萬事不挂眼獨向秋叢餐落英未省折腰營五斗
 懸知今日有淵明

葺坡種菊當餽糧想見西風百本黃安得一尊相對飲
 為公滿意賦柴桑

清心堂

雨餘池水淡泠泠霜後梅花照眼明題作清心知未稱
 此心元自不須清

去歲十月六日由番江向安仁今歲十月回自

廣信復以是日同王藍田諸公登安仁張古峯
去歲茲晨離楚東今年飛蓋上晴空煙雲晻靄江天暮
一笑都如夢寐中

懷王侍郎劉祕監

平生西蜀劉中壘四海東嘉王右軍三載相思千里夢
何時把酒聽論文

臘前二日見青梅桃花

澤國寒多春事遲南來地暖意都迷城陰雨過臘初近

梅子青青桃滿蹊

丞解之後正瞰城城上有古木十數株盛夏五

六月清風徐來蕭然有山林之趣嘗誦陳後山

城荒可當山之句欲作亭對之榜曰當山而三

歲之間十捧差檄三攝劇邑猝猝未能也今且

去矣乃留詩壁間庶幾後之君子會有成吾之

志者

地靜城荒可當山士衡瓦屋兩三間作亭領畧吾何暇

留待來賢涉筆間
次韻趙十太尉留題驛亭絕句

青衫憔悴鬢毛蒼
還記并州舊葛強
楚尾吳頭秋驛好
喜聞爵麝笑談香

愛山

柳絲稀處見前山
半在雲間半霧間
回首亂紅濃翠裏
春風啼鳥更綿蠻
朝爽軒紅蕉着花
喜而成篇

青綺叢中蹙絳紗
碧雲闕處抹晴霞
凌霜窈窕含朱彩
消得愚溪作意誇

題泛五湖遊東山圖

陶朱西子功名後
安石東山隱遯初
畫圖三挹春風面
豁得平生俊氣無

亦好亭獨坐

亭上橫看十六峯
峯頭烟靄碧連空
不須更作游山計
坐遣詩情落酒中

湖口主簿劉君少魏以皂湖石二峯見遺其一
亭上蘇轍呀豁彷彿金華洞天因目之曰小三洞賦

詩一絕

片石來從鳳枳家天然崖竅自吟呀從今喻子新三洞
不減坡翁舊九華

病起

寢瘵初休意未便篋管生筍柳生綿誰能竭竭團樂走
只要勦勦醕酖眠

幾歲思歸今得歸一筇三徑共忘機寸腸滿貯愁千斛
的當回頭覺昨非

次韻槐卿舅詩寄石榴

細高風物總幽竒朱實離離瘦玉枝居士既為東道主
文人休勒北山移

六月十日偕夏卿兄季野孟明仲文季直弟游

香山因得小詩書僧堂壁

夏木陰陰翠竹疎相攜蕭寺饌伊蒲他年細味禪房句

便是香山六老圖

孟秋七日邀從兄十五宣義四弟五姪同飲錦

園即席之作

湖水林風清復清
買肴置酒七峯亭
直須待得玉鈎掛

要看牽牛織女星

何遜梅花詩云枝橫却月觀
林和靖云水邊籬

落忽橫枝又云疎影橫斜水清淺
是或一律也

亦好園江梅一株枝橫丈餘
作平壇鑿小池於

其下壇池初成榜曰橫枝喜而賦詩

却月枝橫淮海初水曹句法到西湖
橫枝影瘦池清淺

奇絕何人作畫圖

三月六日清明節道中

清明時候雨初足
白花滿山明似玉

道傍滿山皆白花
問之樵者曰此繭

也十里春風睡眼中
小桃飄盡餘新綠

北山登高

九日紅茱紫菊催相携
緩步上飛來酒酣便有龍山趣

不用重尋戲馬臺

陳益之李兼濟皆為余作大字書此二詩

渡江至候官鎮記所見

破臘侵星渡急流
曉風吹動黑貂裘
黃雲不斷碧雲暗

荔予林邊甘蔗洲

峽橋

驚流落石震林珂
一洗紅塵耳目醒
妙語曾聞杜陵老

高江急峽關雷霆

百尺危橋跨綵虹
快輸白浪入晴空
眼驚巫峽江山近

身在蘇仙詩句中

文舉司理以鷓鴣一雙見遺作詩為謝

五采爛斑好毛羽
金沙石礫映毳毼
我無御史西臺望

安用一雙鷓鴣來

贈神童陳樸

陳郎七歲富三冬
此去聲名動九重
好踐退之童子序

莫隨劉晏頌東封

就報恩借碾碾茶
彞老有詩因次其韻

斷無鶯鴨惱比鄰
賴有鐘魚隔竹聞
故遣新茶就佳磴
要供戲綵滿甌雲

刺頭七夕戲詠

別多會少兩情深
風幌雲屏喜不禁
誰道初秋清夜永
須知一刻直千金

巖桂

粟粟枝頭淺淺黃
十分風味百分香
廣寒宮殿清秋裏
掠削雲鬟試靚粧

枝頭金粟色偏勻
空裏非煙氣自薰
莫把白旃檀漫比
香濃猶得逆風聞

水沉風味鬱金黃
風定猶聞十里香
造物普令薰一切
故應五濁暫清涼

謝司路鈴遺菊花塔

夫君遺我菊浮屠
分得清香供讀書
突兀便高三數尺
層層畫影綠扶疎

謝陳蘇州送酒

宮庠寂寂雀羅門寧有賢人倒綠樽賴得蘇州情義重
肯令從事問寒溫

大邑重元日追次東坡和子由省宿致齋韻
五十之年又過三依然白髮照青衫年來大起山林興
任達從教笑阮咸

水底風人日道中口占
初日輕煙溪上橋遠峯積雪未全消東君也是多情思
先遣春光到柳條空裏非慙底自黃莫辨白
疏梅映竹兩三花

竹籬茆舍水邊家窓牖虛明小逕斜草色未多春意好
疎梅映竹兩三花

書紅香堂壁

瓦影鱗鱗蔭曲塘疎簾不下縱荷香綠波乍識紅粧面
未忍輕將比六郎

參議林郎中蓄乘軒君向來止有其一今日見
之乃有嘉偶因得小詩

物情非偶不能久並蒂芙蓉亦自雙珍重寫君新得配

故應清唳徹秋江
南劍道中
桂樹青青百里疆
鷓鴣啼徹午陰涼
延平津上峰如削
劍去江空水自長

九曲溪

扁舟一葉破漣漪
九曲窮時山更奇
喚取謫仙來着句
平章佳處要清詩

十年來往大江東
每為青山引興濃
自到此山尋絕境
悔看五老九華峯

游龍井

九月十日天氣涼
桂花零落菊花黃
竹根如意雙不借
放眸一望海天長

天人彌天同一游
灑落珠璣不自休
二老風流今淨盡
空餘怪石對龍湫

致身通顯大槐夢
快意畋魚紫石潭
何似相攜古蘭若
細看香篆味茶甘

次韻馬駒父晚菊五絕

朔風吹冷破檀心
灑露勻鋪瑣碎金
喜見鮮鮮長踴躍
只應吏部獨知音

開及梅花未發時
那愁三弄有桓伊
何時栗里東籬下
冷蕊寒英伴酒卮

嫩黃初破未凋殘
風露相禁曉色寒
欲並墨梅兼墨竹
何人為作畫圖看

不知香靨為誰開
衫染鵝黃巧翦裁
但得目成兼色授
何妨頃刻耻樽罍

霧幌褰開秀色明
麴塵半臂亦多情
芳菲不擬親桃姊
蕭灑端宜齒石兄

蒲陽道中

閩粵溪山處處經
長松夾道奏簫笙
只應行客忘勞役
千里清陰管送迎

乘風雨登舟至麴院

猛雨連天水滿湖
扁舟風撼碧濤麓
掀髯笑詠煙波裏

兩岸人應作畫圖
三年烏石山邊路
每恨南留未北歸
今復無端登蒜嶺
却尋烏石認親闈

次韻趙景明初見梅花

不解何郎五字詩
年年長是探梅遲
未甘辜負春消息
強擬來看竹外枝

欽定四庫全書

香山集卷十五

宋 喻良能 撰

七言絕句

送師相陳大觀文

地總全閩控百蠻
政成治最二年間
五千里見耕桑盛
百萬人欣日月閒
腥風吹海向來驚
玉帳分弓射怒鯨
千里妖氛都鏡淨
商船載月夜深行

頻年秋稔穀相因八郡恩波着處勻長樂城中家幾萬
家家生子總名陳王卿公之德慈惠千里妙存隆慶年
化國熙熙日自遲崇陰無訟草含滋何人剽伐南山石
大刻詳書德政碑
裴令有心吟綠野贊皇作意向平泉君王夜半思元老
明日金甌寶墨鮮

黃童白叟走踈踈總向城邊擁去輪願為此邦聊小駐
公歸誰作萬家春

將令四海變虞唐那得夔龍滯一方寄語邦人休卧轍
道傍行看舍人裝

溶溶曳曳白雲閒救旱濡枯頃刻間四海蒼生望霖雨
謝公早晚起東山

朱朱白白總精神共喜今年化筆勻尚有窮鄉寒谷土
政須一氣轉鴻鈞

桐廬舟中

急槳如飛破浪紋子陵灘下水泔泔江風初靜扁舟穩

卧看青天行白雲
千刻鑿不水
望湖亭中

倚欄遙望賀家湖
千頃波光半欲蕪
試問青銅未銷蝕

西湖得及此間無
共喜今年山翠白
尚存深翠寒谷土

謝公早賀知章祠

乞得君王一曲湖
笑他三逕就荒蕪
欲知千古高風在

月落寒山影自孤

謝公四鑑湖
真氣限
謝靈運
一
文
晉
語
時
人
相
辭

憶昔未曾遊鑑水
畫圖髣髴見非真
年來飽泛同苔雪

寧媿江湖舊散人

弄水亭次李察院韻

清溪一曲抱危亭
天水無塵相與明
昔日紫微今御史

兩翁詩句一般清

題五洩瀑布四首

玉龍千丈自天矯
飛雨十里長廉纖
愚柳一見心眼爽

未須界圍觀水簾

香爐太白有佳句
鴈蕩老坡題畫圖
安得二仙居至此
新詩想見唾成珠
越絕徒聞萬壑流
他山未比此山幽
誰云十地有熱惱
但覺三伏生涼秋

瀑雨霏霏濕翠嵐
來從天半許誰探
凌空踏盡峻嶒石
始到峯頭第一潭

翠巖上綠毛龜

白玉盆中淺更清
綠毛浮水鬪輕盈
須臾食罷渾無事

自上盆山頂上行

禹帝祠道中

薰風正欲拂江梅
去歲茲晨宿霧開
新竹出墻荷貼水
今年潦倒又重來

窆石

禹陵蹤跡頗堪疑
窆石衣冠知幾時
猶解起人河洛思
可憐大勝嶧山碑

菲飲泉和韻

不覺當年室與宮
菲泉猶得想遺風
至今美食鮮衣者
不敢緣窺綠淨中

陪胡少卿登山瞻禹陵
考古年來喜有徵
相携步步上峻嶒
皇華使者歸朝著
好為詩翁說禹陵

鵝池

空餘青李與來禽
寶墨知誰是賞音
未若山陰羽衣客
等閒猶識愛鵝心

秦望閣

傲睨須知古有秦
却將黔首等微塵
當時虛上峯頭望
不見桃源避世人

定泉

茲泉定力冠諸泉
故向空山獨湛然
終日虛名無一物
客來惟見浪痕圓

登望海亭

誰將龍脊置新亭
一餉登臨耳目醒
欲識海門山盡處

爛銀堆裏數螺青

題智者雙清堂

潦收池淨見魚行
木落山空鳥語鳴
更待夜深來徙倚
要看霜月鬪波清

磨勘轉朝請郎

脫身畎畝遙簪紳
父母妻孥均沐恩
百年七萬二千飯
要須一飯不忘君

未詠梅

疎枝倚竹更臨池
一餉清寒瘦雪肌
恰似玉兒初識面
朱唇蘇頰總相宜

湖上二絕

輕陰疎雨帝城西
目斷裙腰綠正齊
處處春風圍繡幕
行雲莫與濕障泥
初過百六見梨花
堤路煙輕雨更斜
玉雪一枝端可念
柳絲深處水邊家

天申節明慶寺啟建

兩鬢蕭蕭華髮生欲尋江上白鷗盟皇恩却許陪鷓鷯
重聽景陽鐘鼓聲

雨中至上竺

雲滿千山雨滿川肩輿來禮白衣仙山間秋色知多少
總在危簷繚檻前

聞莊鵬舉山茶小盆葩華雜然有意舉以見遺

因作詩求之

瑠璃前翦葉碧團團收拾繁枝徑尺寒舉贈詩翁知有意

要令飽看鶴頭丹

送王季海敷文赴閩漕

鐵冠慷慨老臣風諫紙雍容補袞功久以精忠簡天上
暫將和氣到閩中

諫省歸來三載餘君王應渴見鴻儒七閩重地誰能漕
聊出長才為轉輸

聖主方懷南顧憂且煩持節按閩州政成早作朝天計
兩地端須第一流

追憶王詹事何知錄

平生師友子王子四海襟期錄事君
白髮紅顏俱異物
高山流水欲誰聞

直廬鎖宿呈監丞宋文

軒窓空洞唯修竹風韻時時自琴筑
學省蕭然令欲冰
兩翁相對清如玉

懷亦好園釣磯寄仲文季直二弟

磬湖雨過漾清波古岸秋來長薜蘿
問訊石君無恙否

試煩着手為摩挲

蚊

聲如娥唱更悠揚透殼穿紗喙許長
莫倚傳呼工噬嚙
須知十月有清霜

題藍田松竹圖

風姿凜凜千君子冠劔堂堂兩大臣
著我中間哦五字
只應斯立是前身

送終南函谷二圖還司路鈐

平生飽看江南景所恨未游關輔山一朝圖畫入吾手
似到終南少室間

次韻林參議致甫以詩見索近作
朝行款接已彌年會府重逢意豁然好酒未容千日醉
惡詩不必萬人傳

僕不飲久矣今日過宋嗣宗且談且飲不覺露
醉

年來飲酒不濡唇蘸甲今朝始為君頗似昌黎當日語
人皆勸我若無聞

次韻王待制游東坡留題十一絕

吞舟尺澤豈能容此地誰知着卧龍當日春風生筆底
至今山色十分濃

當年隨意樂江天句句新詩盡可傳事業文章兩俱美

先生兼比二公賢

王元之
韓魏公

五年同社樂田神一扇西風障庾塵文采風流千古事
野人恨不識天人

赤壁奴臺視白樓五言端的勝蘇州政緣不得文章力
故許江山作意游一自西風朝更動文章兩處美
何處重尋飯顆詩先生詩語總英竒細吟出月穿天句
想見揮毫落紙時
對泣何曾學楚囚扁舟時作大江游眼看西蜀三千里
身在淮南第幾州
前代樂天今復見後身元亮更何疑百年人物有誰在
千古聲名無盡時

筆下無非幼婦辭
曾中端擬效安期我生只許拜遺像
不見先生無恙時

先生仙去幾經年赤壁依然浪接天
去棹來舟相指示
曾遊元祐玉堂賢

雪堂風物渺江村行客悽迷欲斷魂
不見當年謫仙面
空餘香柳典型存

腐儒詩膽大於身所恨陳言老未新
何日小舟江上去
一杯聊酌筆端神

一林無酒仍不見菊唯巖桂一瓶伴此岑寂

白衣不至酒難賒兀坐晴窗獨飲茶今日重陽對巖桂

昔年百本看黃花

亦好園栽菊百本
每至重陽盛開

香堂風次韻夔府王待制寄示巫山圖

碧嶂嶙峋夔子國白雲縹緲昭君鄉平生不識巫山面

今日巫山到眼傍

不長去上葉參政二絕

密幄從容僅五旬趣專大政轉洪鈞熙朝未有金華相

創築沙堤第一人

前世萊公今復見後身文正更何疑君臣相得同魚水

刺把勳名鎮四夷

雨後聞蛙

雨過牕虛夜氣清草間何處亂蛙鳴休論公地兼私地

且聽蘿根呷呷聲

次韻陳侍郎李察院瀟湘八景圖

瀟江夜雨

平生雲夢澤南州秋思春情浩莫收更聽瀟湘夜深雨
孤篷點滴替人愁

且與蘇軾洞庭秋月

湖闊乾坤日夜浮月明天淨最宜秋何人獨卧清風裏
萬頃煙波一葉舟

陳師道平沙落鴈

江南雲水蓼花洲中有飛鴻巧自謀過盡關山都不住
直須來趁楚江秋

漁村落照

亂山深處水邊村小艇初歸未掩門吹火煮魚傾濁酒
半規斜日照黃昏

江天暮雪

羣山總入玉壺中只有滄波映遠空獨釣寒江晚來雪
憑誰畫我作漁翁

次韻王待制初見虎牙銅柱詩

千騎遠征夔子國百篇還賦杜陵詩虎牙突兀撐空出

恰似雲開衡嶽時

老僧携筇竹杖來試就求之欣然舉以見贈

萬里携來自蜀州老僧珍重許誰求相逢舉贈寧無意

要我雲山處處遊

得伯壽兄知丞書因成絕句奉寄

兩地相望千里餘一番梅雨曉晴初無因可寄平安信

喜傍征人接近書

讀韓詩有感用介甫體

少陵無人謫仙死

石鼓歌

吏部文章日月光

泂流館詩

半世遑

遑就選舉

贈侯喜

十年蠢蠢隨朝行

和盧郎中

讀樂天詩

樂天古律三千首下筆當年不自休平水兒童猶誦習

鷄林賈客亦爭求

二〇二



蘇林賈客布筆本

樂夫古制三千首下筆當非不自於平水以重餘韻

樂天詩

豈極盡舉 韻類 十平 嘉嘉 韻陣 下 吟 中

少刻無入 離山 夜 疎 刺 更 倍 文章 日 月 光 燭 半 世 豈

欽定四庫全書

香山集卷十六

宋 喻良能 撰

七言絕句

次韻鄭季遠國錄賢良題余廬山詩記

青鞋憶昔到廬山回首清游夢寐間忽見廣文奇絕句
十年風雨喚仍還

天姥夢魂勞太白赤城想像賦興公匡廬縹緲煙雲境
總在新篇妙句中

次韻王待制題予廬山記後二絕

曾到匡君住處山始知身在五雲間
吟毫揮盡無佳句空遣奚囊相載還

山阿詩刻照雲松到處逢人問我公
白傅蘇仙名不滅公名今在兩賢中

荷花

花落波間生纈紋香飄風外似爐薰
六郎顏色應慚汝八子風流定似君

八月十八日觀潮

萬疊銀山出海門百川渺渺不勞吞
晴江斗起黏天浪一洗忠胥憤屈魂

誰遣羣兒把綵旛翩翩驚浪怒濤間
不知岸上人皆愕但覺波心意自閒

次韻郭剛定觀潮四絕

白浪初看雲出門驚濤旋見大江奔
不因江海雷霆鬪安識蛟龍窟宅尊

天池潮汐渺難推何事多盈亦有虧生長濤淵頭縱白
問之消息莫能知

憶昔初為總角兒年年秋後厭旌旗只今廓廓渾無事
樽酒何妨樂聖時

身到錢塘江上初端如碧海掛新圖不知洗眼觀潮日
豁得平生俊氣無

讀侍御去國集次韻卷首赴召

先生一飯不忘主詩句端如杜少陵敬讀新編二百首

凜然風采照隆興

張持荷以二詩見貽不敢虛辱次韻奉酬

南湖騎馬似知章熟醉清吟錦瑟傍不分鶩行遮電眼
偷閒檢校水雲鄉

南湖一似錦江園秀句端宜入杜編想得公餘時步屨
清風明月不論錢

張持荷以詩見約同沈無隱賞梅因得絕句奉

謝

結齋風味如和靖况有凌風百尺臺雪霽春新多辦酒
兩翁乘興欲尋梅

自題端溪硯

吳興青石今無聞歙郡刷絲端可焚儒生誰是喜書者
安得一逢王右軍

謝監丞子長雪中四絕

水花翦翦墜同雲萬里橫陳似畫坤不見銀杯兼縞帶
知誰肯訪席為門

國子先生老宦游十年學省一狐裘飢雷有意鳴蟬腹
寒粟無端起玉樓

江邊釣雪翁荷笠道上行人馬度橋說與兒童須愛惜
莫貪瓊屑撼長條

萬玉妃來遣目迷縞裙練脫顛鸞篔簹令人却憶桐川路
粉蘂垂垂照玉谿

喜雪次侯宰韻

凍筆難成授簡章寒光先到讀書堂亂飄撲面如平叔

幾點侵眉似馬良

高國正約飯素淨慈遂至劉寺酌茗予鳳凰泉
同遊者蘇太博計撫揮公禪師請公道者蘇計
與予同庚
三亥並遊真盛矣二禪入社亦佳哉鳳池一段風流事
不欠支郎與辯才

春晚

春及瓜期夏景生鳴蟬漸欲替啼鶯蜂臣飛急衝殘絮

蟻子行忙礙落英

荷葉商量貼水開亂紅無數點蒼苔穿簾雙燕復雙燕
把酒一杯還一杯

喜雨

九重午刻命精禱四海中宵同出雲溽暑已隨飛雨散
清聲還並曉風聞

次韻李同年誠之見貽之什

兄弟同登年亦同羨君墨妙更文工我慙潦倒頭仍白

擬學韓豪一送窮

筆端灑落謫仙人况復曾同桂苑春一笑相逢端莫逆

門前洲渚正橫陳

李時寓居西湖

大重下丁未二月十三日廷和輪對

六年不獲面虞皇重對彤墀晝漏長玉色粹温天一笑
歸來滿袖有濃香

送樓天防倅丹丘

我以疎慵句外遷公乎何事亦翩然兩家俱有親庭樂

且結斑衣自在緣

句外得括蒼東歸侍次

一家滿載扁舟裏兩槳春風去似飛漸識路人鄉樹出

世間樂事莫如歸

十年長客帝王都五畝田園半欲蕪乞得此身猶未老

自搖小艇釣平湖

永祐陵

乘騎導從朝陵日漫山桃李花如織好風吹散半空雲

麗日放將新霽色

森然一徑趨高爽鬱葱佳氣遙相望松聲萬壑奏笙竽

山形千疊開屏障

小臣生長宣和初深仁浹髓淪肌膚只今白首馮唐似

何幸清齋拜鼎湖

誓節馬驛讀龍溪詩

博山一穗蕪沉薰寄傲胡牀笑此身馬隊也知非講肆

聊從開府乞清新

塗中讀周希稷所示詩卷以詩代簡

周郎詩句故驚人爾許清新思不羣不是并刀工翦水

定知瓊尺巧裁雲

州宅

勢壓江巒棟宇雄使君如在廣寒宮微之政以江山助

千首詩成咳唾中

淳熙己酉上巳前一日蚤興遂昌縣尉葉禾晚

與弟良弼姪得之金華監酒何震飲于月山之

曲水覽節物之方新欣湖山之如畫率爾成篇
曲溝流水綠蜿蜒正值春風上巳天不是永和東道主
一觴亦復會羣賢

少微閣

臨空瞰濶俯清溪閣占黃堂西復西我昔曾攀郎宿近
只今人指二星齊

簡張子溫運使

宗丞矻矻不離口右司時時說解頤豈獨當今三昧手

故應勝古四愁詩

少陵子厚妙鑪錘力不能追心自期杯水平時猶不直
試求印可老宗師

椿桂堂

昔時共說竇家椿今見清門五桂新我亦鄉閭誇盛事
比君家尚少三人

題吳先生祠

先生高義薄層穹解使池庭化泮宮應笑蘭亭舊豪逸

溪山千古寂寥中

題挹僂亭

鶴駕鸞鳥入杳冥望中遺跡照人清
只今縹緲煙雲裏應有僂家犬吠聲

送王節推夷仲秩滿赴闕

紫禁臚傳第四人錦腸貝齒凜長身
三年來作諸侯客千里江山陰受春

胷中深蟠萬卷餘筆端倒傾蛟室珠
掖垣政要舍人樣致主澤民推宿儒

戰和未定議紛紛草茅有忠天莫闡
公乎行矣陪國論母媿新亭千載人

中年謝傅良多感欲別能忘作惡無
今日與公休惜別須知元不隔江湖

寄洪舍人二絕

人物中朝第一人胷蟠萬卷筆如神
調元要倚經綸手黃屋虛心待舊臣

仲氏昔嘗司宥密長公元已轉洪鈞紫微豈久承流地
黃閣終須報主身

平遠臺

平遠臺高俯翠微海天煙雨正霏霏登臨何處明人眼
烏石山前白鳥飛

吳越王廟

五季流民去不還賴君撫有此江山嫌名舉世猶知避
何況來瞻廟貌間

次韻丁端叔舟中值雪三絕

輕舞謝衣端不惡斜侵潘鬢總堪驚偶思功業聊看鏡
自怪年來太瘦生

但知才出吳公右孰識詩堪子建親不惜剩吟黃竹句
何妨傳示白頭人
延和初奏三千牘畿甸旋移尺五天風格出塵誰可並
爭看遼鶴一千年

二月二十八日周提宮葉致政樓司理過訪錦

園

錦園春色滿西東一笑相歡四老翁八秩總開三百歲

樂天風味此時同

錦園不減商山樂四皓中間着此翁今日可無千字作

何人似此一樽同

千字作謂百韻詩昔樂天與劉夢得裴賓客王尚書飲作詩云四箇老人

三百歲今得用以為故事

磬湖偶成

只欠退之盤谷序已成摩詰輞川圖暮年寧復須西子

不用扁舟向五湖

次韻黃三以詩分送筍

此君稚子別經年忽到茅齋意豁然自媿清貧饒太守

嘗新翻在小春前

醉題艇齋

平生飽識江湖趣今日歸來鬢似絲閉戶松風驚醉耳

恰如魚浦聽潮時

送竹枕與勾希載太博

金定四庫全書
卷十六
誰人彩斲渭川村有節輪囷秋竹根割我便便春晝睡
乞君栩栩夢中魂

次韻何茂恭詠玉簪三絕

金谷墜樓人已遠樓前首飾尚堪尋誰家玉面雪肌女
淡掃娥媚方稱簪

未開黃鈿紫冠小誰與幽人作好秋一笑相看兩不厭
翠雲堆裏玉搔頭

月露洗沐秋容淨姑山初逢冰雪仙風流水部與蒸飾
從此梅花應並傳

題湖上月林

月林風物寂湖山十里煙綃映霧鬢欲識丹青難貌處
渚鷗汀鷺有無間

亦好園菊花盛開為賦二絕

風厲霜嚴了不知晚來幽獨更多姿綸巾細漉柴桑酒
坐對疎籬却始宜

窮秋籬落日蕭蕭淺笑臨風晝亦勞徹骨清寒香未了

落英猶更入離騷

亦好園海紅黃香梅着子戲成小詩

一枝濃艷倚東風千葉輕黃點翠叢占得娉婷仍結子

故應花果譜兼通

磬湖小山激水作小溪

平湖激水轉山流石澗縈紆走碧虬料得丹青無貌處

白蘋紅蓼滿汀州

連理枝

紫荊斜倚磬湖隈並幹連枝錦作堆猶記太虛壇上木

舞風雙影並徘徊

送李深卿赴省試

事業平生在管城策勳今日向神京區區一第恩子耳

要聽臚傳第一聲

曲江深院題名處應有春風得意詩為想杏花三十里

却思三五少年時

秋日有懷仲文季直二弟

案此詩據南宋名賢小集增入

微雲初月澹層城
絡緯聲連促織清
北雁不來千里信
西風還起故園情

由江無寄歐公詩
題前各風軒意
昔為賦各分三十里
要與翻翻第一簾

車前平玉柱
管吹簫
今日向
歸國
一第恩
子丹

舞風雙鶴並舞回

紫陽歸海
詩賦
野算
重林
難行
野
辭
詩
大氣



